

Cronica d'ès nosautres

Vivarès, Daufinat, Ròse-Aups...

L'istoara nos dit que, solia, l'Ardecha èra lo Vivarès e per l'administrar tantsepè i aviá çò qu'apelavan los Estats dau Vivarès. Lo Vivarès deipendiá dau Lengadòc onte i aviá mai los Estats dau Lengadòc. Aquò a fait dire a d'uns que coma èram a la cima, a la pica dau Lengadòc qu'es per aquò que nos an apelats los bedòç (bèc d'òc). Siau pas pro savent per vos afortir aquò, mas qu'es ben genti.

En Droma qu'èra lo Daufinat, aquò fai qu'èram bien separats daube nòstres veisins. Ne'n restan encara las corts d'apèle, per la Droma qu'es Grandòble, per nosautres qu'es Nimes. La petita istoara nos aprend que per los vinhairons de Droma qu'èra mai aisat d'aver lo dreit de sucrar la vendèima per montar lo degrà, per çò que l'autorisacion èra bailaa per las corts d'apèle, doncas Grandòble onte i aviá mai las demandas de la Savòia, dau temps qu'en Ardecha, aver l'autorisacion de Nimes, onte i aviá melh de solelh, qu'èra pas la mema. Encuèi sièm tots en Ròse-Aups e nòstra capitala es Lion. Dins aquesta region i a mas los dos departaments d'Ardecha e de Droma que son de cultura d'òc. Dins los autres departaments lo patois eisista mas fai partiá de çò que l'òm apela francòprovençau o arpitan. Aquò es estat reconaïssut e afirmat oficialament per la Region dins una deliberacion dau 9 de julhet de 2009 : « Reconaïsser, valorisar, promòure l'occitan e lo francòprovençau, lingas regionalas de Ròse-Aups ». Una genta avançaa per nosautres !

E coma fau afortir aquela avançaa, dau temps de la campanha eletorala los candidats son estats questionats per l'I.E.O. (Institut d'estudis occitans) sus aquel punt. Tots an pas respondut, mas de responsas son pro intereissantas. Per las veire, un site internet : bartavel.com (las nhosas).

Lo Revessin

Vivarais, Dauphiné, Rhône-Alpes...

L'histoire nous apprend que l'Ardèche autrefois s'appelait le Vivarais et que les Etats du Vivarais servaient à son administration. Le Vivarais dépendait du Languedoc qui réunissait aussi les Etats du Languedoc. C'est ce qui a fait dire à certains que comme nous étions à la cime, à la pointe du Languedoc, on nous avait appelés les bedoç (bec d'oc). Je ne puis affirmer cette explication mais elle est jolie.

En Drôme c'était le Dauphiné, ce qui fait que nous étions bien séparés avec nos voisins. Il en reste encore les cours d'appel, pour la Drôme c'est Grenoble, pour nous c'est Nîmes. La petite histoire nous dit que l'autorisation de chaptalisation, donnée par les cours d'appel, était plus facile pour les vigneron dromois car c'était Grenoble qui la donnait en même temps qu'à la Savoie, tandis qu'en Ardèche avoir l'autorisation de Nîmes, où il y avait plus de soleil, n'était pas facile.

Aujourd'hui, nous sommes tous en Rhône-Alpes e notre capitale c'est Lyon. Dans cette région il y a seulement deux départements, l'Ardèche et la Drôme qui sont de culture occitane. Dans les autres départements le patois existe mais il fait partie de ce que l'on nomme francoprovençal ou arpitan. Ceci a été reconnu et affirmé officiellement par la Région dans une délibération du 9 juillet 2009 : « Reconnaître, valoriser, promouvoir l'occitan et le francoprovençal, langues régionales de Rhône-Alpes ». Une belle avancée pour nous !

Et comme il faut affirmer cette avancée, pendant la campagne électorale, les candidats ont été questionnés par l'I.E.O.(Institut d'études occitanes) sur ce point. Tous n'ont pas répondu, mais quelques réponses sont assez intéressantes. Pour les lire un site internet : bartavel.com (las nhosas).